



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

II. Qvomodo Timinam venerit.

[urn:nbn:de:hbz:466:1-64160](https://nbn-resolving.org/urn:nbn:de:hbz:466:1-64160)

ignara, cruda quodammodo & barbara fuit Christianis, & ij ignoti ad ignotos venerunt. Solum tamen urbis præfectum in priori peregrinatione cognitum habentes, ipsum de hospicio conuenerunt: sed ille amicè eos suscipiens & alios quoque se hospites habiturum dicens, arcem iuxta ciuitatem in veteri castello eorum mansioni designauit, in qua fixis tentorijs se quieturos sperantes vanis terroribus tota illa nocte agitabantur.

QUOMODO TIMINAM uenerit.



AM Dux POMMORANIAE populo laturus LEVTICIAM cum exercitu eadem nocte illò venturus erat: Timinenses aut Leuticios audierant ad pugnam ibi ei occuros. Vnde nõ modica trepidatio fuit in ciuitate. ingruente igitur noctis silentio, exercitus ducis per turmas suas illuc confluit, factumque est, vt vna cohors peditum, & altera cohors equitum ex diuerso iuxta ciuitatem conuenientes, quia nox erat, vtrique se hostes suspicati, diutissime gladijs caderent. Nostri vero strepitu ac tinnitu armorum excitati & exterriti, ignem in castris aqua perfuderunt, fugam meditantem. Interea socios se agnoscentes, illi à pugna deserunt. Præfectus vero misso satelite eausam illius tumultus eis insinuans, ne timerent rogauit; sicque animati constiterunt in loco suo. facto mane Dux cum exercitu omni ad prædam festinans, Episcopum videre non potuit; sed missis nuncijs ibidem illum die illa rogauit se exspectare. Circa meridiem vero LEVTICIAM quaqua
Ggg 3 ver-

II.

versum fumigare aspexerunt; signum omnia vastantis exercitus. Ad vesperum autem ecce Dux voti compos multa onustus præda cum suis omnibus & incolumis reuertitur. Aspiciebat namque Episcopus quia diuidebatur spolia, vestes, pecuniam, pecora & aliam diuersi generis substantiam, homines quoque quos captiuauerant, inter se distribuere. Ibi vero fletus & gemitus & dolores innumeri, cum ad diuersos duos pro ratione diuisionis vir ab vxore, & vxor à viro, & parentes à filiis discedebant. Et quamuis pagani omnes essent, omnes quos huiusmodi miseria inuoluerat, Episcopus tamen pius semper & misericors, conditionem miseratus humanam, lacrymas tenere non potuit. Dux vero & successu rerum & de aduentu Episcopi lætissimus videns quia hoc eius voto placuit, teneriores, & infirmiores quosdam absolui præcepit, & quibus seperatio dolori, manere simul, eius interuentu, ordinabat, auditoque multis faciebat, & libenter ei obaudiebat. Episcopus etiam multos precio absoluit, quos tamen fide imbutos baptismoque nouauit renatos & liberos abire permisit. Deinde cum mutuis colloquijs se recreassent & inuicem muneribus honorassent, Duce ad sua negotia digresso Episcopus omnem substantiam suam & populi qui secum erat, TIMINÆ nauibus imponens per proni fluminis vndam tribus diebus VNZNOMIAM vecti sunt, Episcopo in itinere terrestri cum paucis gradente, in ora hac Evangelico vomere agrum domini sui proscindens, semen spargit fidei, neque ibi difficultas erat in opere: quia ciuitas illa præcompleta fuerat ambrosodoctrinæ salutari. Sacerdotes enim quos pater beatus operis sui vicarios in gente illa reliquerat VNZNOMIAM ex magna parte conuerterant: reliqua pars per Episcopum apposita est ad domi-

num.

quo.

QVOMODO A TIMINA
VNZNOIMIAM veniens per
Frozilaum Ducem Apo-
stasia eos argu-
erit.

TGITVR in hac ciuitate, quia prope
fuit festum Aduentus spiritus sancti, Dux
terrae FROZILAVS toto corde Christiano in-
finitu Ottonis baronibus ac capitaneis totius prouinciae
ac praefectis ciuitatum in festo Pentecostes conuentu in-
dixit, causam simul Christi mandans Euangelium & Euā-
gelistam iterum aduenisse Ottonem Episcopum. Itaque die
statuto congregatis omnibus, adducto in medium Episco-
po Dux ait, En ad quod venistis? En coram est nuncius al-
tissimi. Pacem fert non arma, neque vestra sibi, sed vosmet-
ipso Deo lucrari quaerit. Attendite oro. Ante hoc qua-
driennium in superioribus huius terrae partibus docens, me
teste, nostis quoque & ipsi, omnia repleuit Euangelio. Et
tunc quidem has partes visitare volebat, sed Deo prospere
negotia sua toto anno illo sanctis operibus illic tene-
batur occupatus, emensoque anno ad sua reuerti suae se-
dis rationibus cogebatur, nec ad vos venire praualuit. Sed
quaeso vna mecum & huius & illius viam causas diligenter aduer-
tite, quodque in omni causa fieri solet, quis, vel quare, quid,
vel quomodo agat, altius contempleremur. Et primo de per-
sona id vobis constat, quia homo religiosus senio & canicie
venerabilis est. Hoc n. & ipsi videtis de cuius nobilitate o-
pera testan-

III.